

04 JAN 1997

DR MAHATHIR TIBA DI KOTA KINABALU

KOTA KINABALU, 4 Jan (Bernama) -- Perdana Menteri Datuk Seri Dr Mahathir Mohamad tiba di sini, pagi ini, untuk lawatan singkat ke kawasan yang ditimpa bencana di Sabah akibat ribut Greg.

Beliau tiba dengan pesawat khas pada pukul 9.30 pagi, setengah jam daripada jadual asal, di terminal lama Lapangan Terbang Antarabangsa Kota Kinabalu.

Antara yang menyambut ketibaan beliau ialah Ketua Menteri Datuk Yong Teck Lee, Menteri Tanah dan Pembangunan Koperasi Datuk Osu Sukam, Menteri Di Jabatan Perdana Menteri Datuk Chong Kah Kiat dan Menteri-menteri Kabinet negeri.

Pada pukul 10.05 pagi Dr Mahathir berangkat dengan helikopter Nuri ke Keningau bersama-sama Yong, Osu dan Chong bagi meninjau keadaan di daerah yang dilanda bencana pada 26 Dis lepas yang mengorbankan hampir 200 orang.

Perdana Menteri dijangka mengadakan persidangan berita di terminal lama lapangan terbang di sini pada pukul 2.30 petang ini sebelum pulang ke ibu negara. -- BERNAMA

KG PR